

07.10.1994

Ponowjena dróha w Młynskich chěžach přepodata	Erneuerte Straße in den Mühlhäusern übergeben
Radworske „Młynske chěže“ mějachu wjele lět jednoru drohu bjez kruteho powjercha. Bě přewšo džěrata a po dešču lužata a błócana, zo sy móhl lědma po njej jědź. W lěće 1993 rozsudži so tuž gmejnska rada, zo ma so dróha sporjedźeć - a to nic jeno na powjerchu - ale zakładnje ze skłádnjom wšitkich trěbných medijow kaž wodu, wotwodu, separatnej deščowu wodu (!), milinu, telefon atd. a z nowym wobswětlenjom. W aprylu 1994 z džělami započinachu a po někak pjeć měsacach bě džěło zdokonjane. Nětko móžeš so dróha widźeć dać, prajachu tehdy, zo bě najrjeńša w Radworju - bjez džiwa - twarjena po aktualnych předpismach z rjanym wobswětlenjom a asfaltowanym powjerchom. Wjesnjanoša W. Baberška praji tuž hordže, zo tutu rjanu drohu nětk njebudu tak chěťř zaso wotewrěć a reparować dyrbjeć (w tutym dypku je so bohužel mylił...). Twar je gmejnu cyłkownje 370.000 hriwnow płacił, ale su to derje nałożeny pjenjezy wuzběhny. Składnostnje oficialneho přepodaća, dnja 07.10.1994, wuhotowachu sebi wobydlerjo dróhi mały dróhowy swjedžeń. Wjesnjanoša a sobudžělaćer twarskeje firmy z Wulkeje Dubrawy sadžištaj k dopomnjeću na twar dróhi zhromadnje štomik. K tomu zaspěwachu přitomni kěrluš a při piwku a praženym prosatku swjedžeń wuklinča. Wuzběhnyć ma so hišće, zo je dróha postajena jako hrajkanska dróha - a tuž móžeja wjesne džěći wot toho časa so tu bjez stracha hrajkać a harować.	



start

From:

<http://82.165.187.122/> - Radibor - Chronik

Permanent link:

<http://82.165.187.122/doku.php?id=muehlhauserstrassenbau1994&rev=1646934248>

Last update: 2022/03/10 17:44

